

Campaña de vacunación antigripal 2024

Tempo estimado de lectura: 8 min

Autor: **Xanela Aberta á Familia**

Imaxe Campaña de vacunación antigripal 2024

O pasado día 23 de setembro comezou a campaña de vacunación anual da gripe en Galicia, que se desenvolverá ata o 31 de decembro de 2024. Como en campañas anteriores, levarase a cabo en diferentes puntos de vacunación e comezase polas persoas en residencias de maiores e persoas en centros de discapacidade, que serán vacunadas no seu contorno, por equipos específicos.

Mediante SMS serán citadas proactivamente as persoas maiores de 80 anos para vacunarse fronte a gripe e a COVID-19, para o que se habilitarán grandes recintos nas áreas sanitarias así como os servizos de atención primaria. A vacina tamén está indicada en mulleres embarazadas en calquera trimestre de xestación, as persoas fumadoras e o persoal de centros de educación infantil, entre outros. Este ano, como novidade, introdúcese a vacina intranasal para nenos e nenas de entre 24 e 59 meses.

Nesta campaña temos un reto importante: conseguir unha cobertura vacinal nos traballadores sanitarios do SERGAS e traballadores sociosanitarios superior ao 75 %. Durante a campaña do 2023, obtívose un 56,85% nos traballadores sanitarios do SERGAS. Este ano os profesionais poderán vacinarse no seu centro de traballo fronte a gripe e covid-19 a partir do 14 de outubro de 2024.

VACINACIÓN FRONTE Á GRIPE NOS PUNTOS DE VACINACIÓN HABITUAIS	
A partir do 7 de outubro	<ul style="list-style-type: none"> Nenos e nenas de 6 a 59 meses. Nenos e nenas con patoloxías de risco. Persoas inmobilizadas de calquera idade e cuidador principal.
A partir do 14 de outubro	<ul style="list-style-type: none"> Persoas de 80 e máis anos. Persoal dos centros sanitarios do Sergas e hospitais privados. Persoal das oficinas de farmacia. Persoal que traballa nos servizos de emerxencias sanitarias. Persoas en situación de inmunosupresión. Persoas institucionalizadas (residencias de persoas maiores e persoas con discapacidade) e traballadores/as destas institucións.
A partir do 28 de outubro	<ul style="list-style-type: none"> Persoas de 70 a 79 anos.
A partir do 11 de novembro	<ul style="list-style-type: none"> Persoas de 60 e máis anos. Persoas menores de 60 anos con patoloxías de risco. Mulleres durante o embarazo ou puerperio. Persoal de servizos esenciais. Persoal de exposición laboral.
A partir do 18 de novembro	<ul style="list-style-type: none"> Conviventes de persoas de risco. Resto da poboación diana.

Obxectivos específicos (vacinación antigripal)

- Acadar unha cobertura na poboación de 65 ou máis anos igual ou superior ao 75%.
- Acadar unha cobertura vacinal nos traballadores sanitarios do Servizo Galego de Saúde e traballadores sociosanitarios superior ao 75%.
- Acadar unha cobertura vacinal nas mulleres embarazadas e persoas con condicións de risco superior ao 60%.
- Acadar unha cobertura vacinal nos nenos e nenas de entre 6 meses e 59 meses do 60%.

VACINACIÓN CONXUNTA FRONTE Á COVID-19 E Á GRIPE				
DATA DE INICIO	PUNTO DE VACINACIÓN			
	Residencias de maiores/centros de discapacidade	Hospitais públicos de cada distrito	Grandes recintos	Servizos de A. Primaria (centros cabeceira)
A partir do 23 de setembro	Persoas institucionalizadas en residencias de maiores e centros de discapacidade e traballadores/as destas institucións.			
A partir do 7 de outubro				Inmobilizados e cuidador principal.
A partir do 14 de outubro		<ul style="list-style-type: none"> Persoal do centro sanitario. Persoas en situación de inmunosupresión. 		<ul style="list-style-type: none"> Persoal do centro sanitario. Persoas de 80 e máis anos.
A partir do 26-30 de outubro		Grandes dependentes (grao III) menores de 80 anos.	Persoas menores de 80 anos, embarazadas, grupos de risco e resto da poboación diana.	

POBOACIÓN DIANA PARA A VACINACIÓN FRONTE Á GRIPE

- Persoas de 60 ou máis anos
- Residentes en institucións pechadas (residencias de persoas maiores e centros de discapacidade)
- Mulleres embarazadas en calquera trimestre da xestación e puérperas nos 6 primeiros meses tras o parto, se non foron vacinadas anteriormente
- Persoas de 12 a 60 anos con condicións de risco (definidas no apartado 1)
- Poboación infantil de entre 6-59 meses de idade
- Menores de entre 5 e 12 anos con condicións de risco (Apartado 2)
- Persoas de 5 a 18 anos de idade que reciben tratamentos prolongados con ácido acetilsalicílico

- Persoas fumadoras
- Persoas con enfermidade celíaca
- Persoas con fístula de líquido cefalorraquídeo e implante coclear ou espera deste
- Conviventes de persoas pertencentes a grupos de alto risco
- Persoas que traballan en servizos públicos esenciais, con especial énfase nos seguintes:
 - Forzas e corpos de seguridade do Estado, con dependencia nacional, autonómica ou local
 - Bombeiros
 - Servizos de protección civil
 - Persoal de centros sanitarios e sociosanitarios públicos e privados (tanto sanitarios como non sanitarios): coidadores domiciliarios, persoal de oficinas de farmacia e persoal que traballa nos servizos de emerxencias sanitarias
- Profesionais ou estudantes en prácticas de centros sanitarios, servizos e establecementos sanitarios e sociosanitarios
- Persoal de centros de educación infantil nos cursos de nenos e nenas menores de 5 anos
- Persoas con exposición laboral directa a animais ou ás súas secrecións en granxas ou explotacións avícolas, porcinas ou de visóns ou a fauna silvestre (aves, xabarís ou mustélidos), como gandeiros, veterinarios, traballadores de granxas, cazadores, ornitólogos, axentes de medio ambiente, persoal de zoolóxicos, etc

Imaxe

Apartado 1: persoas de entre 12 e 60 anos con condicións de risco:

- Diabetes mellitus e síndrome de Cushing
- Obesidade mórbida (IMC ≥ 40 en adultos, ≥ 35 en adolescentes ou ≥ 3 DS na infancia)
- Enfermidades crónicas cardiovasculares, neurolóxicas ou respiratorias, incluíndo displasia broncopulmonar, fibrose quística e asma
- Enfermidade renal crónica e síndrome nefrótica
- Hemoglobinopatías e anemias ou hemofilia, outros trastornos da coagulación e trastornos hemorráxicos crónicos, así como receptores de hemoderivados e transfusións múltiples
- Asplenia ou disfunción esplénica grave
- Enfermidade hepática crónica, incluíndo alcoholismo crónico

- Enfermedades neuromusculares graves
- Inmunosupresión (incluíndo as inmunodeficiencias primarias e a orixinada pola infección por VIH, por fármacos, así como nos receptores de transplantes e déficit de complemento. En pacientes con antecedentes de transplante de proxenitores hematopoéticos, no caso de administrar unha dose antes do sexto mes postransplante, recoméndase administrar unha segunda dose ás 4 semanas. En pacientes con antecedente de transplante de órgano sólido, recoméndase só unha dose anualmente
- Cancro e hemopatías malignas
- Enfermedade inflamatoria crónica
- Trastornos e enfermidades que supoñan disfunción cognitiva: Síndrome de Down, demencias e outras

Apartado 2: nenas e nenos de entre 5 e 12 anos con condicións de risco:

As citadas no Apartado 1

Vacinándote fronte á gripe e a COVID-19 protéxeste ti, aos teus pacientes e a túa familia. Anímate e arrima o ombro.

□